



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab anno Christi 1628. usque ad annum 1634

**Fleury, Claude**

**August. Vind. [u.a.], 1778**

**VD18 90118871**

§. 51. Monachium, totaque Bavaria a Suecis devastata.

---

[urn:nbn:de:hbz:466:1-67394](https://nbn-resolving.org/urn:nbn:de:hbz:466:1-67394)

Sæc. XVII  
A. C. 1632.

clam Turrim ad portam, cui a D. Petro nomen, conscendere iussit, ut excubitorem Lutheranum, ne adventantes legiones edito signo proderet, prepedirent; postea Salesius solito maturius portam aperit, emissaque cohorte excubias a foro, necnon cives a bombardis removet, datoque signo binas equitum Bavarorum turmas in urbem admittit, quibus altera pedestris militiæ cohors mox succedens sine omnino pene obstaculo in urbem penetrat. Jussu bentur cives arma deponere, atque undecim Equestres, & duas pedestres legiones in præsidium admittit: Paulo post Cæsar ad civium querelas Maximilianum hortabatur, ut cum ipsis mitius ageret: unde graviore præsidio aliisque exactionibus liberati fuerunt. Maximilianus vero in Superiorem Palatinatum movit, & Sultzbachum de ditione cepit, non multo post a Gustavo recuperatum.

## §. LI.

*Monachium, totaque Bavaria a Suevis devastata.*

*Lotich. l. c.  
Annal. Boic.  
p. 3. l. 17.  
§. 52.  
Barre Hist.  
d'Allemagne  
tom. 9.*

Interea Wallensteinus unico trimestri triginta armatorum millia, quam plurimis ad solum tanti Belliducis nomen undique ad ejus signa confluentibus,



bus, conscripserat, præmissoque Ma-  
 thia Gallasio Leitomeritium, Egram,  
 adultoque Aprili, Pragam, totamque  
 demum Bohemiam eiectionis Saxonis  
 ad Cæsaris obsequium revocaverat: in-  
 de vero gloriose redux copias suas, in-  
 vitus licet, Bavaricis jungere satagit.  
 Id Sueciæ Rex toto studio præpedire  
 intentus, recta Monachium, principem  
 Bojariæ urbem, movere decrevit: Igi-  
 tur Mosburgo mox intercepto, Landis-  
 hutum deditio cepit, civibus cen-  
 tum aureorum millium lytro depræda-  
 tionem, incendiumque redimentibus:  
 inde castris Frisingam promotis hunc  
 Episcopatum licet innoxium pecuniis,  
 ac comæatu exhausit: Arma dein in  
 Monachium convertit, se hujus urbis  
 ruina Magdeburgicum excidium vin-  
 dicare, ratum fixumque habens: Ve-  
 rum Francici Legati deprecatione pla-  
 catus, pollicebatur, Clerum, civesque  
 omnes, sacra item & profana ab omni  
 incendio, ac injuriis fore innoxia, dum-  
 modo cives urbem ultronee Regi de-  
 derent. De hoc igitur Regis responso  
 per Legatum edocti Monacenses, mox  
 missis ad Regem Legatis incolumitatem  
 pacti, urbem dedere. Die igitur deci-  
 ma septima Junii Rex unacum Friderico  
 & Augusto Palatinis, aliisque Ducibus  
 urbem ingressus, Electorale Palatium

Sæc. XVII.  
 A. C. 1632.

Diar. Aug.  
 pag. 115.

Nn 5

occu-



Sæc. XVII. occupavit, exercitu extra mœnia ad-  
 A. C. 1632. huc sub tentoriis castra metari iussit:  
 Ne vero Religiosis injuria fieret, in sin-  
 gulis eorum Monasteriis quatuor mili-  
 tes imposuit, iussitque, ut pro redi-  
 mendo incendio, civiumque spoliatio-  
 ne Frisingenses ducenta, Landshutani  
 centum, & Monacenses ter centies a-  
 reorum millia deberent, cum a-  
 tem hi in præsentaneam solutionem  
 plusquam octoginta millia numerari  
 haud valerent, pro residui securitate  
 Rex Canonicos, Religiosos, civesque  
 numero quadraginta duos Augustani  
 obsides abstrahi præcepit, qui postmo-  
 dum inter acerba Lutheranorum con-  
 vitia ad deterrimos carceres detrusi, &  
 per loca varia raptati, integro ferme  
 triennio plurima indigna pati cogeban-  
 tur: quinimo die vigesima septima Se-  
 ptembris ad ceterorum ludibria Augu-  
 stæ ex Curia ad publicam domum, ubi  
 choreæ aguntur, deducti sunt, præce-  
 dente Tribuno Suevico cum quatuor  
 militibus, & agmen claudentibus aliis  
 quatuor, inde vero primum biduo post  
 ad curiam reducti sunt. Non deerant  
 etiam ex Suecis, qui Regem ad de-  
 vastandam urbem, ac præcipue Electo-  
 rale Palatium impellerent, quibus re-  
 spondit, nolle se Gothorum Ma-  
 jorum suorum scævitiâ imitari; horum e-



*nim memoriam esse exosam, eoquod quic- Sæc. XVII.  
quid in orbe pretiosum fuisset, devassent, A. C. 1632.  
malle se, si fieri posset, hoc Palatium ro-  
tis imponere, & Holmiam usque transferre.*

Postridie Rex urbis Ecclesias, ac præcipue armamentarium inspexit, ubi rustici cujusdam perfidia compererat, majora belli tormenta sub humo esse recondita; igitur revulsis ejus jussu asseribus centum quadraginta rara ac pretiosa belli tormenta, in quorum uno triginta ducatorum millia erant abdita, effodiebantur, quæ omnia cum reliquis spoliis Rex Augustam abduci præcepit. Interea vero Suecorum non pauci a Bavaris rusticis per agros passim intercepti fuere, unde eis in multas villas passim ferro flammaque sæviendi obtentus: nec ipsis etiam Monacensibus parcitum; quippe aliquot centum ex vicinis domibus, pagisque igne fuerunt absumptæ: quinimo Monachii cubile, in quo Electoralis gaza asservabatur, præter præstantissimam Bavaricæ Domus Bibliothecam (in scio fors Rege) a Suecis penitus ferme expilatam, & devastatum fuit.